

**Aatsitassat pillugit ingerlatallu tamatumunnga  
pingaarutillit pillugit inatsisartut inatsisaata nr. 7, 7.  
december 2009-imeersup  
allannguuteqartinneqarnissaa pillugu Inatsisartut  
inatsisaat (aatsitassanut ikummatissanullu inatsit)  
(Teknikkikkut allannguuteqartitsineq aamma  
maleruagassani Inatsisartut inatsisaat naapertorlugu  
aalajangersarneqartuni arsaarinnittarnermut  
inatsisitigut tunngavissaq)**

**§ 1**

Aatsitassat pillugit ingerlatallu tamatumunnga pingaarutillit pillugit Inatsisartut inatsisaanni nr. 7, 7. december 2009-imeersumi (aatsitassanut ikummatissanullu inatsit), Inatsisartut inatsisaat nr. 26, 18. december 2012-imeersukkut aamma Inatsisartut inatsisaat nr. 6, 8. juni 2014-imeersukkut allannguuteqartinneqartumi makkua allannguuteqartinneqarput:

1. I § 2, imm. 4-imi allanngortinneqassaaq "Danmarks Miljøundersøgelser (DMU)" imaalerlugu "Nationalt Center for Miljø og Energi (DCE)".

2. § 97, imm. 1, imatut oqaasertalerneqassaaq:

"§ 97. Naalakkersuisut aatsitassanik § 2 imm. 2, nr. 2-imut imaluunniit §§ 45-47-imut akkerliisumik imaluunniit atugassarititaasunut akuersissummi, akuersissuteqarnermi aalajangersagaasunut imaluunniit aalajangersakkanut Inatsisartut inatsisaat malillugu aalajangersagaasunut akkerliisumik katersorneqarsimasunik, piiarneqarsimasunik imaluunniit atorineqarsimasunik arsaarinnissuteqarsinnaapput."

**§ 2**

Inatsisartut inatsisaat ulloq 1. maj 2015 atuutilerpoq.

Imm. 2. Aatsitassanik misissueqqaarnissamut, misissuinissamut imaluunniit piiannissamut akuersissutit, Inatsisartut inatsisaata atuutilernerani tunniunneqareersimasut, atuunnerat attatiinnarneqassaaq. Inatsisartut inatsisaat aamma Inatsisartut inatsisaata atuutilernerani akuersissutinut taamaattunut, akuersissutit taamaattut malillugit pisinnaatitsissummik pigisaqartunut kiisalu ingerlatanut aatsitassanut ikummatissanullu inatsimmi pineqartunut ilaasunut atuutissaaq. Inatsisartut inatsisaat aamma

ingerlatanut, ilanngullugit aatsitassanik katersineq, piiaaneq atuinerlu, aatsitassanut ikummatissanullu inatsimmi pineqartunut ilaasunut aamma Inatsisartut inatsisaata atuutilernissaa sioqqullugu ingerlanneqartunut, atuutissaaq.

*Namminersorlutik Oqartussat, ulloq 3. juni 2015*

Kim Kielsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut